

محراب

انفروقی ، اجتماعی ، فلسفی ، تاریخی ، ادبی مجموعه
شیدیلک اون بش کونده نشر اولونور

منه جهات :

۶۵	فلسفه نشر یاتنده برترقی خطوه سی	« مصاحبه »	محمد امین
۶۷	ابن تیمیه	« تاریخی »	شرف الدین
۶۸	شهاب الدین سهروردی	« فلسفی »	یوسف ضیا
۶۷	بیله زلره قدر	« ادبی »	ملکی ضیا
۶۸	مثل اعلا	« کلامی »	شرف الدین
۶۹	قیرغیز وقازاقلر	« اتنوگرافی »	رفت
۷۰	بروسه شهری	« جغرافی »	محمد شرف
۷۱	حی بن یقظای	« رومان »	ابو طفیل
۷۲	غزل	« شعر »	محمد صدیقی
۷۳	صیرچه سرای	« شعر »	حسن عالی
۷۴	ذلیخا	« شعر »	عابد
۷۵	ماضی	« شعر »	اسماعیل نامی

شهزاده باشی : اوقاف اسلامیة مطبعه سی

شیخ سهروردینک حیاتی

اصل برعائله ایچنده ویوکسک بر محیط علمی ده دنیایه ککن شیخ شهاب الدین سهروردی چو جو قانغی متفکر و عالم ذوات آراشنده ریاضات و مکاشفات سالک اولانلرک تربیه سی آلتنده کچیرمش و تحصیل ابتدائینی عائله سی نزدنده اکمال اتمشدی . [۱]

شیخک داها کنج یاشده الیوکسک معلومات فلسفیه ایله مجهرودرین بر عشق استغراق، جوشعون و عاصی بر هیجان صوفیانه ایله ممتاز اولارق صحنه یه حقیقه سی ایلمک دورده آلدیمی چو تربیه روحیه و استعداد فلسفیه ایله ایضاح ایتک ممکندر . بو تربیه سـ و قیلهدرکه شیخ اختصاص ایچون سیاحت چیقدیغی زمان کندی مسلککی انکشاف ایتدیره جک یوللری تعقیب ایتمش و تصوف ایله کلامیات آراشنده و حتی فلسفات ایله نقلیات آراشنده مابینجی دولتی ایفا ایدن ذواتک محیط عرفانه دوغرلشدی . فی الحقیقه اوزمانلرده آذربایجانک مرکز علمیی اولان « مراغه » ده بیوک بر مکتبک باشنده بولونان امام فخرالدین رازینک خواجه سی « شیخ محمدالدین جلی » نک شهرت علمه سی آفاق طوتمشدی . عین زمانده جیلک (عراق عجمک) علمی و فلسفی مرکزی اصفهانده (شیخ ظهیرالدین فارسی) نک فلسفی و تصوفی تدریساتی علما مجلسلرنده دالغالا یوردی .

سهروردی، کندنده درینلشمک احتیاجی حس ایتدیکی زمان سیاحت ایده جکی منطقه یی تعیینده مشکلات چکمدی، اولامراغه نک یولنی طوتمدی . و شیخ محمدالدینک دائرة تدریساته کیردی . بوراده مختلف شعبات علومه و خصوصیه حکمت و اصول فقهه صرف مساعی ایتدی [۲]

و بو ایکی علمده اقرانه فائق اولاجق بر درجه ده یوکسلدی .

[۱] اسکی کتابلرده کچن تحصیل ابتدائی تعبیرندن ، اوزمانلر تدریسی مشروط اولان بتون درسلی اکال ایدوب آجارتنامه آنجهیه قدر اولان مدت تحصیلی آکلامق ایجاب ایدر . او زمانک اصولجه طلبه بر خواجه انتساب ایدر و اونده اکال نسخ ایدر ، صوکر حدیث و تفسیر یاخود فلسفه اختصاصی ایچون سیاحت چیقیلیر و متخصص علما آرانیر یاخود بیوک شهرلرده مشهور علمانک درسلینه دوام ایدیلیر مع مافیه اوزمانک اختصاصی ده بوکون بزم قوللانیدیغیز معناده دکلدر تحصیل ابتدائی تعبیری بوکونکی معناده اولمیدیگی کی .

[۲] حکمت بوراده فلسفه دیمکدر . مع مافیه فلسفه اوزمانک تلقیسنه کوره حکمت طبعیه ، حکمت مابعدالطبیعه دییه ایکی قسنه آریلیر و مابعد الطبیعه تعبیری الهیاته حصر ایدیلردی . ماهیت

اوزمانلر علمانك، خصوصی اجتماعلر عقد و علمی مسئلهلری مناقشه ایتملری عادت ایدی سهروردی بوجلسلردده مظفر اولبور. وقدت علمیه سنی اثبات ایدیوددی. شیخک بالآخره حلبده، شامده او مملکت علما و فقهاسنه قارشی حتی امرأ حضورنده بالالزام قورولیش امتحان مجلسلرنده فقهی مسئلهلر مناقشه سنده قازاناجنی قاهر، موفقیتلر، مراغهده کی یوتحصیلنه مدیوندر. شهسز شیخ اصول فقهه دائریازدینی ازمشهورنی بواننده مراغهده یازمشدر. چونکه مراغهدن صوکره شیخ اصول فقهه ایله اشتغال ایدمک بوقت بولاماش و دائماً فلسفه و ریاضات ایله اشتغال ایشدر. بوندن صوکره شیخک اصفهانه ظهیرالدین الفارسی نزدینه کتدیکنی کوریورز. اورادم ظهیرالفارسیدن ابن سهلان ساوینک «بصایر» نی او قودی. [۹] تنکم شیخک بر چوق آثارنده بصائر اوزرنده خیلی تفکر ایتدیکنی کوستره جک چوق آمارلر واردر.

ایشته سهروردی فلسفی و اشراقی تربیه سنی بورادن اعتباراً مکملشدرمش و شهرزورینک تعیرنجه فکری استقلال و انفراد ملکه سنی قازانمش و بورادن اعباراً یرفلسوف اولارق صحنیه چقمشدر. بودورده و بونی متعاقب زمانلرده شیخ کرک آذربایجان شهرلرنده و کرک عجم بلدلرنده خیلی جولانلر یامیشدر. صوفیه دن معروف ذوات ایله مصاحبت اتمک آرزوسیه

اجسام، ماده و صورت، عرض و جوهر، بحثلری طبیعیاتده تدقیق ایدیلیدی. علم طب علم نباتات و حیوانات و سائر طبیعیات اقسامندن عدایدلرکی جهته هم دو قورلر. هم فیلسوفلر حکیم نامی و یریلیدی اوزمان فیلسوفلرینک دو قور، دو قورلرینک فیلسوف اولاسی بواکی سلسله علومک بر علم عدایدلرک برابر تحصیل ایدله سندن منبعدر.

[۹] بصایر، فلسفه و منطقه عائد غایت کوزمل بر کتابدر بونک منطق قسمی بورالرده منتشر اولان منطق کتابلری کی قورو و جانسز دکلدر بوجهتی کورهن مرحوم شیخ محمد عبده بو اثری مصرده طبع ایتدیرمش و ترجیحاً ازهرده تدریس ایشدر. خاطرمده قالدیغه کوره بوکابک باش طرفنه شیخ محمد عبده بر مقدمه یازمش اثر و مؤنقی حقنده کافی معلومات اولمیدی سولیشدر. حالبوکه صوان الحکمهده حتی شهرزورینک تاریخ حکما سنده ابن سهلان ساوی حقنده تفضیلات و اثر حقنده ایضاحات واردر. شیخک بو اثری او قودینی کوسترن منبع شهرزورینک تاریخ حکما سیدر بوجهتی کوسترن سطرلری عیناً ترجمه ایدیورم: «شیخ سهروردی اصفهانده بنم استخباریه نظرأ، الله یبلیر اما» ابن سهلان ساوینک بصایرنی ظهیرالفارسیدن او قودی. «بوفظه کوستریورکه شیخ اصفهانده اوزون مدت قالمشدر. شیخک مراغهده اوزون مدت قالدینی کوسترن نقطه یی ایسه طاشکوپزی زاده «مفتاح السعاده» ده قید ایشدر: شیخ مراغهده حکمت و اصول فقهه علملرنده اقرانه فائق اولونجه قدر تحصیله دوام ایتدی دیورکه بوشیخک اوراده اصغری ایکی سنه قالدینی تخمین ایتدیرن شیخک کرک اصفهانده و کرک مراغهده قالدینی زمانلرک تدقیقندمکی قائدم بونی تعقیب ایدن حاشیهده کوریه جکدر.

بوسفرلر آغده ایتدی . و کبار منصوفه ایله کوروشمک فرصتی آله ایتدی و اونلردن خیلی استفاده لر ایتدی . عین زمانده خلق ایله تماس ایدر . و اونلرک رحیاتی تدقیق ایدردی [۱] بتون بوتدقیقانتدن و سیاحتدن آلدیجی درس لر نتیجه سنده شیخ کندنده یکی رافقک مبشری اولمق قدرتی کورمهک باسلادی ریاضاته دالدی ، حلونه چکیلدی و تفکراته قویولدی . ایشته شیخده مکاشفه قدرتی بو آدن اعتبار آباشلار و شیخ آرتق باشقه رفقک آدمیدر .

[۱] شیخک آذربایجانده و جبل طرفلارنده سیاحت ایتدیکی یرلری قیده لزوم کورمدم شیخی تتبع ایدنلر و بالخاصه اونک الصبیحی پرستشکاری اولان شمس الدین شهرزوریده بونلری قیدایتمه مشلردر مع مافیه آثارینک برچوق یرنده از جمله «حکمة الاشراق» نامنده کی شاه آثرنده برکون آذربایجانک شهرنده ایدم خلق ایله کوروشیوردم بازار محلنده ایدم اوصیرالده خلق کویوزینه باقعه باشلادیلر هرکس ایله برابر بنده باقدم عالم مثاک آجیلدیغنی و او علوی عالمک مختلف صفحاتی سیرایتک و بوبر ساعت قدر دوام ایتدی دیور . کذا ، ینه حکمة الاشراقک عالم مثال بحثنده عجم بلادندن ... شهرنده ایکن بکابر حال کلدی اوراده عالم مثالی تماشایه باشلادم و یانعه کیلره کورستردم ، اونلرده واضحاً کورمشلردی دیور آردستانده مختلف یرلرده دولاشدیغنی و «میا» شهرینک پارار محلنده ینه بو طرزده حادثه لر وقوعه کلدیکی و اخ قیدایدیور . کوریورز که بونلر بزه شیخک آناطولی به کچمه دن یعنی فرات نه رینی کچمه دن اول اوزون مدت اورالده قالدیغنی کورستبر شوالده سلجوق تاریخلرینک سلطان قلیایج آرسلانک حیات خصوصیه سنی تدقیق ایدرکن سلطان مشارالیهک فساد اخلاق ایله و دینی مبالا تسزقله اتهام ایدله سنده شیخ شهاب الدین سهروردینک تأثیری اولدیغنی ایما ایدمک بر طرزده داورانمالری دوغری دکدر چونکه شیخ یوقاریده تدقیق ایدلیدی وجهله ۵۵۳ تاریخنده دوغمشدی ایلک دوره تحصیلیه سنی ۱۵ یاشنده اکال ایتمش اولسون ایکی سنهده مراغهده چالیشیور اون یدی یاشنده اقرانه فائق اولیور اصفهانده کی تحصیلی و عرض ایتدیکم سیاحتلرده داخل حساب اولورسه حتی مورخلرک ادعای وجهله تاریخ ولادت ۵۵۰ اولارق قبول ایتسهک بیه ۵۷۰ دن اول آناطوله کچمک احتمالی یوقدر حالبوکه نورالدین آتابک زنکینک سفیر مخصوص ایله سلطان قلیایج آرسلانه کوندردیکی معهود مکتوب ۵۶۸ تاریخنده یازلمشدر بومکتوبده نورالدین ، قلیایج آرسلانه سفیریمک حضورنده توبه کار اولمیسک دینه و اخلاقه رعایتسز لکده بولونمایه جفکه یمین ایتلمیسک دیمشدی دیمک که قلیایج آرسلانک سراینده فلسفی فکرلر ۵۶۸ تاریخندن اول باشلامش و شیوع بولشدی بو تاریخنده ایسه شیخ سهروردی هنوز اون بش یاشنده ایدی ۱۸ یاشنده قبول ایتسهک بیه آز بر زمان ایچنده برکنجک سیرایلره کیروب فلسفی تأثیرلر یاباییله جکنی قبول ایتک ممکن دکدر اوت شو جهت دوغریدرکه شیخ سهروردی قونییه کلدیکی زمان حسن قبول کورمش و سرایده بیوک بر حرمت قازانمشدر سلطان قلیایج آرسلان و اون ایکی اوغلی بالخاصه شهزاده برقیازقشاه و وزیر نامدار امیر کمال الدین کامیار فلسفی تربیه ایله مشبوع ایدیلر . لزومی درجهده فکرأ حاضر لاشدیلر و سهر وردی بونلر اوزونده اجرای تأثیر ایتمشدر . بوندن ایسه اتهامات مذکورهیه سهر وردینک سیبیت و یردیکنی استخراج ایتک دوغری اولاماز ،

شیعیدی شیخی بوماهیتی ایله تدقیق ایتک و افکار حرکاتی بوقیمتی ایله اولچمک و نتیجه لرینی کویستریمک لازمدر . لیکن بوندن اول بحثی تمام لامش اولمق ایچون شهرزورینک مطالعه سی نقل ایدمه لم: شیخ سهروردی فیلسوفلرک مقاملرینک غایتلرینه و اولیانک مکاشفه لرینک نهایتلرینه واصل اولمشدر فلسفه عملیه سی خصوصنده سابقین اولیندنر مسیحی الشکل ، قلندری الصفتدر [۱] اونک اوله ریاضاتی و ارایدی که زمانک یتیشدیردیکی انسانلر اوصورتله ریاضاتدن عاجزدرلر هر هفته بردفعه افطار ایدیوردی و طعامی الی درهمی کچمزدی فیلسوفلرک بتون طبقاتی آرانسه بوندن زاهد و دهاها افضل کیمسه بولونماز . دنیا یه التفات ایتزدی . اوکا اهتمامی آزدی کیه جکنه و یه جکنه مبالات ایتمیوردی ، شرف ریاسته قولاق اصمازدی بعض زمانلر جکت کینیر و باشلغی قیرمزی ، اوزون اولوردی . بعضاًده باشنه یامالی بر خرقة پارچه سی اورتردی ، صوفی قیافتنه کیردیکی زمانلرده اولوردی ، عبادتی اکثریا آچاق ، صباحلامق ، الهی عالمیری دوشونمکدن عبارت ایدی خلقلک رعایتله آذ التفات ایدر سکوتی الزام ، تقسی ایله اشتغال ایدیوردی . آهنکی ، جنبشی ، (جماع) نغمات موسیقیه یی سهوردی . صاحب کرامات و آیات ایدی .

صحن مدرسه سی فلسفه و اجتماعیات مدرسی

یوسف ضیا



[۱] سابقین اولین قیدندن قدیم یونان فیلسوفلرینی فیثاغورت ، أمپدوقلس و افلاطونی قصد ایدیور ظن ایدرم مع مافیه سابقین اولیندن اولمق اوزره هرمنز و ایرانیلردن بزرجهر و سائرده کویستردیکی وارددر . مسیحی الشکل قیدی ایسه صوفیه نک آکلایاجنی بر شیدر ، سالک بعضاً حال استغراقده کیندنن کچر و کندیکن عیسی ایله متحد اولدیغنی حس ایدر . وبو حالنده او ، عیسی کی خسته یی آبی ایدر . و نفسیه حیات ویرر مسیحی الشکل اولانلر قلندر مشرب و هضمکار اولورلر صبور و متحمل و ایچین ایچین جوشغون بر حالده درلر و مثلاً موسوی الشکل اولانلر غضوب و عزمکار دهاها مادی وجدی اولورلر . و شبهه سز بوتعریفلر لفظی و ظاهری در .